

## Butjenter Nationalhymne

Du liggst so stolt, so smuck un riek  
dor an de Waterkant.

Dien golden Ring, dat is de Diek  
dien Kleed dat gröne Land.

Kien bäter Land is unnern Heben  
Hurra Butjarland, Du schast leben.  
Hurra Butjarland

Dien Pär un Keuh goht dör de Welt  
Dien Schäpen wiet un siet.

Von mannig stolten, starken Held  
vertellt de ole Tiet.

Keem Graf un Bischof ok is foken  
se kunnen di doch all nicks maken.  
Hurra Butjarland

Dien Jungens, de sund risch und stolt  
und jeden steiht sien Mann.

Se stoht just as'n Boom int Holt  
und seggt: Fat mi nich an !  
Se haut dor up, as weer't old Isen  
just as de olen freien Friesen.  
Hurra Butjarland

Dien Deerns hebbt Ogen blau un klor  
un Rosen up de Back'n.

Se hebbt dat moje geele Hoor,  
de Schelm sitt ähr inn Nack'n.

So weer dat all in ole Tiden:  
Butjenter Deerns mog jeden lieden.  
Hurra Butjarland

Wenn't Water hen no See to geiht  
wenn's abends de Bäcklock klinget  
wenn't ruschelt dör dat hoge Reit  
un wenn de Lauerk singt  
dann klinget un singt dat unnern Heben:  
Hurra Butjarland, Du schast leben

Hurra Butjarland.

